

ISLAM SOLUSI, SANÈS ANCAMAN

DMDI (DEWAN MASJID DIGITAL INDONESIA)

<https://seruanmasjid.com>

KHUTBAH I

إِنَّ الْحَمْدَ لِلَّهِ، نَحْمَدُهُ، وَنُسْتَعِينُهُ، وَنَسْتَغْفِرُهُ، وَنَعُوذُ بِاللَّهِ مِنْ شُرُورِ
أَنْفُسِنَا، وَسَيِّئَاتِ أَعْمَالِنَا مَنْ يَهْدِهِ اللَّهُ فَلَا مُضِلَّ لَهُ، وَمَنْ يُضِلِّ فَلَا
هَادِيَ لَهُ،

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، شَهَادَةً مَنْ هُوَ خَيْرُ مَقَامًا
وَأَحْسَنُ نَدِيًّا. وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ الْمُتَّصِفُ
بِالْمَكَارِمِ كِبَارًا وَصَبِيًّا.

اللَّهُمَّ فَصِّلْ وَسَلِّمْ عَلَى سَيِّدِنَا مُحَمَّدٍ كَانَ صَادِقَ الْوَعْدِ وَكَانَ رَسُولًا
نَبِيًّا، وَعَلَى آلِهِ وَصَحْبِهِ الَّذِينَ يُحْسِنُونَ إِسْلَامَهُمْ وَلَمْ يَفْعَلُوا شَيْئًا
فَرِيًّا، فَيَا أَيُّهَا الْحَاضِرُونَ رَحِمَكُمُ اللَّهُ، أَوْصِيَنِي نَفْسِي وَإِيَّاكُمْ بِتَقْوَى
فَقَدْ فَازَ الْمُتَّقُونَ. اللَّهُ،

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا
زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ
وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا .

يَا أَيُّهَا الَّذِينَ ءَامَنُوا اتَّقُوا اللَّهَ وَقُولُوا قَوْلًا سَدِيدًا . يُصْلِحْ لَكُمْ أَعْمَالَكُمْ
وَيَغْفِرْ لَكُمْ ذُنُوبَكُمْ وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا.

أَمَّا بَعْدُ؛ قَالَ اللَّهُ تَعَالَى : اْعُذْ بِاللَّهِ مِنَ الشَّيْطَانِ الرَّجِيمِ
وَعَسَى أَنْ تَكْرَهُوا شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ
شَرٌّ لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ

(TQS al-Baqarah [2]: 216).

Para sedhèrèk muslimin, Jamaah Jum'at ingkang piningan rahmating Gusti Allah SWT.

Minangka pambukaning atur, mangga kita sami tansah ngunjukaken raos syukur wonten ngarsa dalem Allah SWT., awit sampun kathah nikmat peparipin dhumateng kula dalasan panjenengan sedaya. Maliginipun nikmat hidayah Islam, séhat menapa déné kesempatan. Sahingga wonten ing wekdal lan ing panggénan mriki kita taksih saged nindakaken sapérangan dhawhipun Allah SWT., inggih menika nindakaken ibadah Jum'at kanthi sesarengan (jamaah). Kanthi raos syukur ingkang makaten menika mugi Allah SWT., tansah hanambahi nikmat karunianipun dhumateng kita sedaya. Aamiin yaa rabbal'alamiin.

Sak lajengipun, minangka pendèrèkipun ingkang tansah setya tuhu, mangga sareng-sareng atur shalawat dalasan salam kunjuk dhumateng baginda Rasulullah Muhammad SAW, sumarambah dhumateng para keluarga ahlul baitipun, para sahabatipun, para tabi'in, ugi para tabi'utabi'in ngantos dumugi akhir zaman samangké. Lantaran makaten mugi kita sadaya badhé saged pikantuk safa'atipun kanjeng Nabi mbénjang wonten ing yaumul maksar. Aamiin yaa rabbal'alamiin.

Minangka jangkekipun rukun khotbah, al fakir khotib mboten bosen-bosen tansah atur pepémot dhumateng diri pribadi kula piyambak, sumarambah dhumateng para jamaah jum'at, kanthi atur, sumangga tansah ngiyataken iman, ningkataken taqwa kita dhumateng Allah SWT., supados iman taqwa kita saged mentes lan leres, amrih sami sambada anggènipun nindakaken paugeran gesang miturut satataning agami Islam. Agami ingkang dipun ridhai Allah SWT. Kanthi makaten mugi kita sadaya badhé pikantuk kabegjan, kabagyan wiwit ing dunya mriki ngantos mbénjang ing akhèrat. Insha allah, aamiin yaa rabbal'alamiin.

Yektosipun namung kanthi taqwa ingkang saget hanjamin kita sadaya pikantuk derajat, panggénan éngkang minulya, celak kaliyan Allah SWT. Taqwa menika ugi minangka panggayuhanipun para Muslim ingkang paling inggil. Awit, kamulyanipun manungsa menika sanés kabobot saking derajat, pangkat, kasugihan, lan pakurmatan, nanging katraju saking ketaqwaanipun. Jumbuh kaliyan firmanipun Allah SWT:

يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ لِتَعَارَفُوا
إِنَّ أَكْرَمَكُمْ عِنْدَ اللَّهِ أَتْقَاكُمْ إِنَّ اللَّهَ عَلِيمٌ خَبِيرٌ

*Para manungsa kabèh, Ingsun wis gawé sira, wijiné saka wong lanang lan wadon, lan Ingsun ndadèkake pirang-pirang bangsa lan golongan supaya padha tepung (kenal) siji lan sijiné. **Déné mungguhé Allah, sira kang aji dhéwé, yaiku endi kang banget bektiné (taqwa) ing Allah.** Satemené Allah iku Nguningani samu barang tur Wicaksana. (QS. Al Hujurat [49] : 13)*

mBoten namung menika, salajengipun inggih kanthi taqwa ugi, Allah SWT badhé paring ridha dhumateng kita lan Allah badhé hambuka kori keberkahanipun saking langit lan bumi.

وَلَوْ أَنَّ أَهْلَ الْقُرَىٰ آمَنُوا وَاتَّقَوْا لَفَتَحْنَا عَلَيْهِم بَرَكَاتٍ مِّنَ السَّمَاءِ وَالْأَرْضِ وَلَكِن كَذَّبُوا فَأَخَذْنَاهُم بِمَا كَانُوا يَكْسِبُونَ ۝

"Lan saumpana ing negara mau wong-wong padha iman ing Allah lan utusané Allah, sarta padha bekti ing Allah, mesthi padha Ingsun wènèhi barokah saka langit lan saka bumi, nanging dhèwèké padha nggorohaké awit saka iku Ingsun banjur nurunaké siksa marga saka tumindaké dhéwé." (QS Al A'raaf [7] : 96).

Wonten ing ayat menika, Allah SWT mungkasi firmanipun kanthi paring pamawas bilih kasangsaran, kacintrakan, musibah, menapadéné karupekanipun manungsa awit saking anggènipun sami goroh ing babagan keimanan lan ketaqwaanipun dhumateng Allah SWT.

Hadirin jamaah Jum'ah rahimakumullah,

Tiyang taqwa mesthinipun tansah tundhuk lan patuh dhumateng pranatanipun Allah SWT. Nundhukaken hawa nafsu lan nyingkiraken sedaya ingkang dados geganjelaning manahipun. Pramila anèh sanget menawi wonten tiyang ingkang ngaku taqwa ananging lancang lan nentang pranatanipun Illahi robbi. Rumaos sampun mangertosi hakékat awon lan saé tumrap manungsa. Malah rumaos langkung pinter ing samubarang tinimbang Allah SWT. Salajengipun malah wantun nyingkiraken pitedah saking Allah SWT (Islam). Malah sami ngajak tiyang sanès supados nyingkiraken Islam saking panggesanganipun manungsa.

Menapa mboten namung Allah SWT. kemawon ingkang asifat *Yang Mahatahu* ingkang mangertosi hakékat awon lan saé tumrapipun manungsa? Kosok wangsulipun, pamawas dan pambobotipun manungsa menapa malah mboten asring klintu? Kadhang kala, manungsa mawas samubarang menika saé, lajeng tuwuh raos remen, sanajan sejatosipun malah awon tumrap dirinipun. Sewalikipun, manungsa mawas sakalir perkawis menika awon, lajeng tuwuh raos nggething, sanajan hakékatipun malah saé tumrap dirinipun.

Allah SWT. sampun paring firman ingkang mungelipun:

وَعَسَىٰ أَنْ تَكْرَهُوا شَيْئًا وَهُوَ خَيْرٌ لَّكُمْ وَعَسَىٰ أَنْ تُحِبُّوا شَيْئًا وَهُوَ شَرٌّ لَّكُمْ وَاللَّهُ يَعْلَمُ وَأَنْتُمْ لَا تَعْلَمُونَ

....Lan kadhang kala barang kang sira gething iku malah becik tumrap sira. Lan kadang kalané barang kang sira senengi ing siji perkara; malah perkara iku ala tumrap sira kabèh. Allah iku ngudanèni, déné sira padha ora weruh. (TQS al-Baqarah [2]: 216).

Magepokan kaliyan ayat menika, Imam Ibnu Katsir, wonten ing Tafsîr Ibnî Katsîr ugi negasaken, "*Wallâhu ya'lamu wa antum lâ ta'lamûn* ngandung makna: Panjenengané Allah *Mahatahu* marang akibat saka perkaranya kabèh. Panjenengané uga *Mahatahu* marang apa waé kang momot kabecikan tumrap sira kabèh ing donya lan akhêrat. Awit saka iku, tindakana seruanNé lan patuhana dhawuh-É supaya sira kabèh antuk pituduh."

Awit makaten, menapa kémawon ingkang dipun paringaken déning Allah tumrap sedaya manungsa ing donya nriki— arupi syariahipun -- mesthi saé tumrap manungsa lan panggesanganipun. Para manungsa kanton taat lan mujudaken syariah menika wau ing panggesanganipun .

Hadirin Jama'ah Jumah Rahimakumullah

Ing wekdal umat Islam nembé nedhengipun semangat, sengkut gumregut ngamalaken Islam, dumadakan wonten gagasan supados piwulangan agami ing pawiyatan dipun ilangi. Agami kaanggep cekap dipun wulang wurukaken déning tiyang sepahipun utawi dipun ajaraken déning guru agami ing tataran njaban pasekolahan. Alesanipun, menawi agami dipun ajaraken ing pasekolahan, para siswa badhé kapisah nalika wekdal pelajaran agami. Kanthi makaten sekolah tanpa sadar kadakwa sampun ngripta perpecahan. Pelajaran agami ing pasekolahan ugi kabobot sampun ngiyataken idèntitas agami. Miterat sang penggagas, menawi agami dipun dadosaken idèntitas, pramila badhé ngiyataken radikalisme. Sawetawis menika, radikalisme kadakwa dados undheripun kahancuran negeri mriki.

Menawi kita gatosaken, substansi gagasan menika mboten sanès inggih namung sèkularisme lan sèkularisasi, ing tlatah pendidikan. Seruan menika minangka pambudidaya mapanaken agami namung minangka urusan pribadi (privat lan personal). Seruan menika ugi ngajak murih agami mboten dipun katutaken wonten ing urusan publik, kalebet kedah dipun singkiraken saking urusan politik.

Hadirin Jama'ah Jumah Rahimakumullah

Seruan menika jelas katolak ing ajaran Islam. Awit menapa? Awit malah kita sedaya sampun dipun dhawuhi déning Allah SWT. murih lumebet ngrasuk Islam kanthi kaffah, secara keseluruhan, secara total. Allah SWT. sampun paring pepémud dhumateng kita supados mboten ndhedhèrèk napaki langkah-langkahipun sétan.

يَا أَيُّهَا الَّذِينَ آمَنُوا ادْخُلُوا فِي السِّلْمِ كَافَّةً وَلَا تَتَّبِعُوا خُطُواتِ الشَّيْطَانِ إِنَّهُ لَكُمْ عَدُوٌّ مُبِينٌ

Hé para wong mukmin. Sira padha mlebuwa ana ing agama Islam, ngéstockna sabarang pernatané kabeh, lan aja manut dedalané sétan. Satemené sétan iku tetéla dadi satrunira. (TQS al-Baqarah [2]: 208).

Seruan supados ngicali pelajaran agami (Islam) saking kurikulum sekolah terang minangka bagian saking lampah napaki langkah lan dalan sétan. Alesanipun, menika ateges kulo panjenengan sami dipun ajak supados mboten perlu ngrasuk Islam kanthi kaffah. Umpami seruan menika dumuginipun saking tiyang kafir, tentu wajar. Ananging sewalikipun, tentu anèh sanget menawi seruan kala wau dathengipun saking-lan kadukung- tiyang Muslim. Makaten menika salah satunggaling proses déislamisasi ingkang kedah kita waspadai. Makaten niku logat lagéyanipun tiyang-tiyang ingkang ngidhap islamophobia.

Hadirin Jama'ah Jumah Rahimakumullah

Ing wekdal menika, Islam dipun tuding minangka biang persoalan. Pemicu radikalisme, perpecahan, intoléransi lan sapanunggalanipun. Padahal kita sampun sami mangertos, bilih tudingan niku namung minangka tatacara pihak jaban rangkah kanggé mojokaken Islam utawi ngalang-nglangi geliat umat Islam lan kebangkitanipun. Piyambakipun ngajengaken kaum Muslim supados tebih lan nebihaken ajaran Islam saking kehidupanipun. Supados pripun? Supados Islam lan umat Islam mboten malih ngalang-ngalang agénda liberalisme lan penjajahan Barat. Menika persis kados jaman lami ingkang dipun tindakaken déning penjajah Belanda dhumateng kaum Muslim ingkang sami nentang penjajahan.

Sumangga tansah dipun inget, bilih Islam dipun turunaken déning Allah SWT. mboten kanggé damel karusakan. Sumangga kagatosaken bilih malah kerusakan ing negeri menika awit saking anggènipun mboten purun ngetrapaken sistem Islam. Pripun hasilipun? Allah sampun mesthèkaken lumantaran firmanipun:

(وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكاً وَنَحْشُرُهُ يَوْمَ الْقِيَامَةِ أَعْمَى)

Déné sing sapa mléngos saka pepéling Ingsun (Kitab Qur'an) yekti dhèwèké bakal nduwèni panguripan kang rupeg. Ing bésuk dina qiyamat, wong mau Ingsun kelumpukaké, nanging mripaté wuta. (TQS Thaha [20]: 124).

Miturut Ibnu Katsir, makna, “*mléngos saka pepéling Ingsun*” inggih menika; nyalahi parintahé lan apa waé kang Ingsun turunaké marang Rasul-Ku, nglalèkaké lan nganggo pituduh saka saliyané. (Ibnu Katsir, Tafsir al-Quran al-'Azhim, V/323).

Tundhonipun, samput wekdalipun kita sedaya sami wangsul dhumateng Islam. Ampun ngantos ajrih dipun celathu déning tiyang-tiyang ingkang mboten remen. Wigatosipun, bilih sétan ngantos kapan kemawon mboten badhé lila menawi Islam menang lan berjaya.

Jamaah Jum'at ingkang pinaringan rahmating Gusti Allah SWT.

Makaten ingkang saged kula aturaken ing khutbah Jum'at menika. Hanglenggana bilih sedaya kasampurnan namung kagunganipun Allah SWT. samukawis atur kula ingkang leres awit pitedah saking Allah SWT., lan Rasulpun, mangga kita gondhèli kanthi saèstu. Samukawis atur kula ingkang lepat, awit saking kirangipun pangertosan pribadi kula, mangga kita bucal sak tebihipun, lan mugi panjenengan sedaya kersa hanglubèraken samudra pangaksami.

Pepuntonipun atur, mangga kita pungkasi khutbah menika kanthi ndedonga sesarengan, mugi kita sedaya tansah pinaringan panjang yuswa, séhat lahir batin, manfaat dunia akhérat. Pinaringan hidayah, inayah lan kekiyatan, sahéngga saged dados péranganipun ahli dhakwah, ingkang tansah sengkut ngrembakakaken jejegipun syariat agamani Islam ing salebeting daulah Islamiyah, tansah setya tuhu dhumateng patuladhanipun kanjeng Nabi Muhammad SAW. ngantos puput yuswa kanthi kawontenan husnul khatimah, aamiin ya rabbal'alamiin.

بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ
الْآيَةِ وَذِكْرِ الْحَكِيمِ وَتَقَبَّلَ اللهُ مِنَّا وَمِنْكُمْ تِلَاوَتَهُ وَإِنَّهُ هُوَ السَّمِيعُ
الْعَلِيمُ، وَأَقُولُ قَوْلِي هَذَا فَاسْتَغْفِرُ اللهَ الْعَظِيمَ إِنَّهُ هُوَ الْغَفُورُ الرَّحِيمُ

Khutbah II

الْحَمْدُ لِلَّهِ عَلَى إِحْسَانِهِ وَالشُّكْرُ لَهُ عَلَى تَوْفِيقِهِ وَامْتِنَانِهِ. وَأَشْهَدُ أَنْ
لَا إِلَهَ إِلَّا اللهُ وَاللهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدُهُ
وَرَسُولُهُ الدَّاعِي إِلَى رِضْوَانِهِ. اللَّهُمَّ صَلِّ عَلَى سَيِّدِنَا مُحَمَّدٍ وَعَلَى
آلِهِ وَأَصْحَابِهِ وَسَلِّمْ تَسْلِيمًا كَثِيرًا
أَمَّا بَعْدُ ۝

فَيَا أَيُّهَا النَّاسُ اتَّقُوا اللَّهَ فِيمَا أَمَرَ وَانْتَهُوا عَمَّا نَهَى وَاعْلَمُوا أَنَّ اللَّهَ
أَمَرَكُمْ بِأَمْرٍ بَدَأَ فِيهِ بِنَفْسِهِ وَثَنَى بِمَلَأَ بِكِتَابِهِ الْمَسْبُوحَةِ بِقُدْسِهِ وَقَالَ
تَعَالَى إِنَّ اللَّهَ وَمَلَائِكَتُهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.

اللَّهُمَّ صَلِّ عَلَى سَيِّدِنَا مُحَمَّدٍ صَلَّى اللَّهُ عَلَيْهِ وَسَلَّمَ وَعَلَى آلِ سَيِّدِنَا
مُحَمَّدٍ وَعَلَى أَنْبِيَائِكَ وَرُسُلِكَ وَمَلَائِكَةِ الْمُقَرَّبِينَ وَارْضَ اللَّهُمَّ عَنِ
الْخُلَفَاءِ الرَّاشِدِينَ أَبِي بَكْرٍ وَعُمَرُ وَعُثْمَانُ وَعَلِيٌّ وَعَنْ بَقِيَّةِ
الصَّحَابَةِ وَالتَّابِعِينَ وَتَابِعِي التَّابِعِينَ لَهُمْ بِإِحْسَانٍ إِلَى يَوْمِ الدِّينِ
وَارْضَ عَنَّا مَعَهُمْ بِرَحْمَتِكَ يَا أَرْحَمَ الرَّاحِمِينَ
اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ
مِنْهُمْ وَالْأَمْوَاتِ اللَّهُمَّ أَعِزَّ الْإِسْلَامَ وَالْمُسْلِمِينَ وَأَذِلَّ الشِّرْكَ
وَالْمُشْرِكِينَ وَأَنْصُرْ عِبَادَكَ الْمُوَحِّدِيَّةَ وَأَنْصُرْ مَنْ نَصَرَ الدِّينَ
وَاخْذُلْ مَنْ خَذَلَ الْمُسْلِمِينَ وَ دَمَّرْ أَعْدَاءَ الدِّينِ وَاعْلِ كَلِمَاتِكَ إِلَى
يَوْمِ الدِّينِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالزَّلَازِلَ وَالْمِحْنَ وَسُوءَ الْفِتْنَةِ
وَالْمِحْنَ مَا ظَهَرَ مِنْهَا وَمَا بَطَنَ عَنْ بَلَدِنَا إِنْدُونِيسِيَا خَاصَّةً وَسَائِرِ
الْبُلْدَانِ الْمُسْلِمِينَ عَامَّةً يَا رَبَّ الْعَالَمِينَ. رَبَّنَا آتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ. رَبَّنَا ظَلَمْنَا أَنْفُسَنَا وَإِنْ لَمْ
تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ.

عِبَادَ اللَّهِ ! إِنَّ اللَّهَ يَأْمُرُنَا بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ وَادْكُرُوا اللَّهَ
الْعَظِيمَ يَذْكُرْكُمْ وَاشْكُرُوهُ عَلَى نِعَمِهِ يَزِدْكُمْ وَلَذِكْرُ اللَّهِ أَكْبَرُ